


T 5237.5/1147

16

ORIENT JAPANESE LIBRARY
HARVARD-YENCHING INSTITUTE
AT HARVARD UNIVERSITY

BUNKODO
OCT 20 1952



中州樂府序

聲韻之師至於樂府不知其變其凡

樂昉有斯名周人宮中樂章已奏翽雅鶴巢矣李

唐而下其變斯極按樂錄技錄樂府遺聲新聲所

載瑟調楚調鏡歌和歌正附幾五十門為魚龍鳥

獸為車馬征戍為佳麗怨怒為書詞都五神仙遊

俠時景觴酌各若干十百曲說者謂兩出塞蜀道

難音響足比金石皆樂府曲請不為作也沈宋以

哈佛大學哈佛燕京
圖書館珍藏印

有幾漢房中

序

及古閣

降直至宋金元世至有以樂府名家如吳彥高學士者夫中州樂府一帙蓋金尚書令史元遺山集也凡三十六人總一百二十四首以其父明德翁終焉人有小叙志之中間亦有一二憐材者文亦爾雅蓋金人小史也蜀左轄我儼山陸先生會計之暇目不瞬於檢閱偶得是編示余允陽山樓曰金宋分疆程學行於南蘇學行於北一時文獻未可謂無人三百年來完顏立國淺陋故前為宋所

掩後為元所罄使豪傑無聞焉甚可痛也編中為誤煩為較讐與瑞成謀梓之且以寓世變之感夫遺山當有金哀宗之季國步危促未知金仇之不可共而忘豺狼之不可親慘禍交臨不幸生際其時與土者為之臣妾莫能奮飛悲憤于邑之情可想也故其形之聲韻暢懷杯酒繫念君國多可哀愍採風者所不棄也明妃烏孫主蔡琰之流皆以嬋娟不能自謀遠嫁胡沙馬上之樂呻吟節拍世

中州樂府 二
皆憐而存之矧是編乎嗚呼王風國風由俗而變
江河之趨也變至檜陳亂極息治矣此仲尼刪詩
意也然則我儼山先生啣刻之意其重有感於是
編乎其重有取於是編乎嘉定守貴陽高登遂刻
之九峰書院云

嘉靖十五年歲次丙申冬漢嘉後學彭汝寔拜書

中州樂府

目錄

吳學士激 五首

人月圓

訴衷情

春從天上来

滿庭芳

風涼子

蔡丞相松年 十二首

大江東去二首

水調歌頭

月華清

江神子慢

聲聲慢

石州慢

尉遲盃

驀山溪

鷓鴣天二首

江城子

蔡太常珪 一首

江城子

高內翰士談 三首

玉樓春

減字木蘭花

朝中措

劉內翰著 一首

鷓鴣天

趙內翰可 十首

望海潮

驀山溪

好事近

浣溪沙二首

望海潮

卜算子

鷓鴣天二首

鳳棲梧

鄧干江 一首

望海潮

任南麓詢 一首

永遇樂

馮臨海子翼

江城子

李承旨晏 四首

婆羅門引

虞美人

鷓鴣天

菩薩蠻回文

劉龍山仲尹 十一首

鷓鴣天四首

南歌子

攤破浣溪沙

浣溪沙四首

謁金門

劉記室迎 二首

烏夜啼二首

永自党公 五首

青玉案

感皇恩

鷓鴣天

感皇恩

月上海棠

黃華王先生庭筠 十二首

大江東去

謁金門

鳳樓梧

菩薩蠻回文三首

清平樂

烏夜啼

訴衷情

清平樂

水調歌頭

謁金門

王隱君礪 一首

浣溪沙

密國公疇 七首

朝中措

春草碧

青玉案

秦樓月

沁園春

西江月

臨江仙

禮部閒閒趙公秉文 七首

水調歌頭

青杏兒

梅花引二首

大江東去

缺月挂疎桐

秦樓月

胥莘公鼎 一首

阮郎歸

許司諫古 二首

行香子

眼兒嬌

馮內翰延登 一首

玉樓春

溪南詩老辛愿 一首

臨江仙

李右司獻能 三首

春草碧

江城梅花引

浣溪沙

王右司渥 一首

水龍吟

李扶風節 一首

滿江紅

景覃 三首

鳳栖梧

天香 二首

宗室文卿 一首

西江月

高博州憲 四首

梅花引 四首

王先生予可 三首

小重山

生查子

長相思

王監使特起 二首

梅花引 二首

趙內翰攄 二首

南歌子

虞美人

孟內翰宗獻 一首

菩薩蠻回文

張太尉信甫 一首

驀山溪

王玄佐 一首

洞仙歌

愚軒居士趙元 三首

行香子三首

折治中元禮 一首

望海潮

先大夫詩 一首附蔡丞相高子文 一首

好事近

中州樂府集目錄終

中州樂府

閨集

河東人元好問裕之集

吳學士激

人月圓

南朝千古傷心事猶唱後庭花舊時王謝堂前燕
子飛向誰家恍然一夢仙肌勝雪宮髻堆鴉江
州司馬青衫淚濕同是天涯

彥高北遷後為故宮人賦此時宇文叔通亦賦

念奴嬌先成而頗近鄙俚及見彥高此作茫然
自失是後人有求作樂府者亦通即批云吳郎
近以樂府名天下可往求之

訴衷情

夜寒茅店不成眠殘月照吟鞭黃花細雨時候催
上渡頭船鷗似雪水如天憶當年到家應是童
稚牽衣笑我華顛

春從天上来

海角飄零歎漢苑秦宮墜露飛螢夢回天上金屋
銀屏歌吹競舉青冥問當時遺譜有絕藝鼓瑟湘
靈促哀彈似林鶯啞啞山溜泠泠 梨園太平樂
府醉幾度春風鬢變星星舞破中原塵飛滄海風
雪萬里龍庭寫胡笳幽怨人憔悴不似丹青酒微
醒對一窗涼月燈火青熒

好問曾見王防禦公玉說彥高此詞句句用瑟
琶故實引據甚明今忘之矣

滿庭芳

誰挽銀河青冥都洗故教獨步蒼蟾露華仙掌清
淚向人霑画棟秋風嫋嫋飄林下時入疎簾冰壺
裏雲衣霧鬢掬水弄春纖 耿耿成勝賞銀槃撥
汞寶鑑披奩待不放楸梧影轉西簷坐上淋漓醉
墨人人看老子掀髯明年會清光未減白髮也休
添

風流子

書劍憶游梁當時事底處不堪傷蘭楫嫩漪向吳
南浦杏花微雨窺宋東塘鳳城外燕隨青步墮絲
惹紫游韁曲水古今禁烟前後暮雲樓閣春草他
塘 回首斷回腸年芳但如霧鏡髮成霜獨有蟻
尊陶寫蝶夢悠颺聽出塞琵琶風沙漸瀝寄書鴻
鴈煙月微茫不似海門潮信能到潯陽

蔡丞相松年

大江東去

離騷痛飲問入生佳處能消何物江左諸人成底
事空想岩岩青壁五畝蒼烟一丘寒玉歲晚憂風
雪西州扶病至今悲感前傑我夢卜築蕭閑覺
來岩桂十里幽香發魂磊胸中冰與炭一酌春風
都滅勝日神交悠然得意離恨無毫髮古今同致
永和徒記年月

又

倦游老眼放閑身管領黃華三日客子秋高茅舍

外滿眼秋嵐欲滴澤國清霜澄江爽氣深出千林
赤感時懷古酒前一笑都釋千古粟里高情雄
豪割據戲馬空陳迹醉裏誰能知許事俯仰人間
今昔三弄胡床九層飛觀喚取穿雲笛涼蟾有意
爲人點破空碧

水調歌頭

雲間貴公子玉骨秀橫秋十年流落水雪香靄紫
貂裘燈火春城咫尺曉夢梅花消息蠶紙寫銀鉤

老矣黃塵眼如對白蘋洲
世間物惟有酒可忘
憂蕭閑一段歸計佳處着君侯翠竹江村月上但
要綸巾鶴氅來往亦風流醉墨薔薇露洒遍酒家
樓

月華清

樓倚明河山蟠喬木故國秋光如水常記別時月
冷半山環珮到而今桂影尋人端好在竹西歌吹
如醉望白蘋風裏關山無際
可惜瓊瑤千里有

年少玉人吟嘯天外脂粉清輝冷射藕花冰蕊念
老去鏡裏流年空解道人生適意誰會更微雲疎
雨空庭鶴唳

江神子慢

賦瑞香

紫雲點楓葉岩樹小婆娑歲寒節占高潔纖苞煖
釀出梅魂蘭魄照濃碧茗筵添春花氣重共窗晚
濛濛浮霽月小眠鼻觀先通廬山夢舊清絕
蕭
閑平生淡泊獨芳溫一念猶未衰歇種種陳迹而

今老但覓茶煙禪榻寄閑寂風外天花無夢也鴛鴦債從渠千萬劫夜寒回施幽香與愁客

聲聲慢

涼陞
寄內

青蕪平野小雨千峯還成暮陞寒色裁剪芸窗憶
得伴人良夕遙憐幾重眉黛恨相逢少於行役梨
花淚正宮衣春瘦曉紅無力應恠浮雲夫婿不
解趁新醅醉眠涼月怨入關河西去又傳音息誰
知倦游心事向年來苦思泉石人未老約閭峯多

占秀碧

石州慢

高麗使
還日作

雲海蓬萊風霧鬢鬟不假梳掠仙衣捲盡雲霓方
見宮腰纖弱心期得處世間言語非真海犀一點
通窠廊無物比情濃覓無情相博離索曉來一
枕餘香酒病賴花醫却灑灑金尊收拾新愁重酌
片帆雲影載將無際關山夢竟應被楊花覺梅子
雨絲絲滿江千樓閣

尉遲盃

紫雲暖恨翠雛珠樹雙栖晚小花靜院相逢的的
風流心眼紅潮照玉盃午香重草綠宮羅淡喜銀
屏小語私分麝月春心一點華年共有好願何
時定粧鬟暮雨零亂夢似花飛人歸月冷一夜小
山新怨劉郎興尋常不淺況不似桃花春溪遠覺
情隨曉馬東風病酒餘香相半

驀山溪

清明綠野玉色明春酒燕地雪如沙爲喚起斗南
溫秀鬢絲禪榻夢覺古揚州瑤臺路返菟香好在
啼粧瘦春前入眼似是章臺柳欲典鷓鴣裘悞
金車香迎馬首綠陰青子後日便東風秋千散算
寒生月到西廂後

鷓鴣天

解語宮花出画簷酒尊風味爲花甜誰憐夢好春
如水可奈香餘月入簾春漫漫酒厭厭曲終新

恨到眉尖，此生願化雙瓊柱，得近春風暖。玉纖

又

秀樾橫塘十里香，水花晚色靜年芳。胭脂雪瘦薰
沈水，翡翠盤高走夜光。山黛遠，月波長，暮雲秋
影蘸瀟湘。醉魂應逐凌波夢，分付西風此夜涼。

江城子

半年無夢到春溫，可憐人。幾黃昏。想見玉徽風度，
更清新。翠射娉婷雲八尺，誰為寫五湖真。好賦

歸路軟紅塵，暖冰魂。縷金裙。喚起一天星月，入金
尊。番取木樨花上露，揮醉墨，洒行雲。

公有詩八尺五湖明秀峰，又云十丈琅玕倒水
玉，明年為寫五湖真正用此詞意。魏道明作在
義有不通，故表出之。

蔡太常珪

江城子

王溫季自北都歸過
予三河坐中賦此

鵲聲迎客到庭除，問誰歎故人。車千里，歸來塵色

半征裾珍重至人留客意奴白飯馬青芻 東城
入眼杏千株雪糝糊俯平湖與子花間隨分倒金
壺歸報東垣詩社友曾念我醉狂無

高內翰士談

玉樓春

爲伯求作

少年人物江山秀流落天涯今白首形容憔悴不
如初文彩風流仍似舊 百花元是仙家酒千歲
靈根能益壽都将萬事付天公且伴老人開笑口

減字木蘭花

西湖睡起飛絮游絲春老矣漲綠涵空十頃玻璃
四面風 時平事少天與湖山供坐嘯他日西州
却怕羊曇感舊游

朝中措

瑯琊山色最清雄心賞待衰翁路轉峰回如画新
亭半濕青紅 風流賓從清閑歲月且共從容莫
笑尊前老大猶堪管領春風

劉內翰著

鷓鴣天

雪照山城玉指寒一聲羌管怨樓間江南幾度梅
花發人在天涯鬢已斑 星點點月團團倒流河
漢入盃盤翰林風月三千首寄與吳姬恐淚看

趙內翰可

望海潮 代州南樓

雲翔南陔全趙幕府河山襟帶名藩有朱樓縹緲

千雉回旋雲度飛狐絕險天圍紫塞高寒弔興亡
遺跡咫尺西陵煙樹蒼然 時移事改極目傷心
不堪獨倚危闌惟是年年飛鴈霜雪知還樓上四
時長好人生一世誰閑故人有酒一尊高興不減
東山

驀山溪 賦崇福荷花崇福在太原晉溪

雲房西下天共滄波遠走馬記狂游正芙蓉平鋪
鏡面浮空欄檻招我倒芳尊看花醉把花歸扶路

清香滿 水楓舊曲應逐歌塵散時節又新涼料
開徧橫湖清淺冰姿好在莫道總無情殘月下曉
風前有恨何人見

好事近

密雪聽窗知午醉晚來初覺人與膽瓶梅蕊共此
時蕭索 倚窗閑看六花飛風輕止還作箇裏有
詩誰會滿疎籬寒雀

浣溪沙

揜轉爐薰自換香錦衾收拾却遮藏二年塵暗小
鴛鴦 落木蕭蕭風似雨疎櫺皎皎月如霜此時
此夜最淒涼

又

火冷薰爐香漸消更闌撥火更重燒愁心心字兩
俱焦 半世清狂無限事一窗風月可憐宵燈殘
花落夢無聊

望海潮

發高麗作

雲垂餘髮霞拖廣袂人間自有飛瓊三館俊游百
銜高選翩翩老阮才名銀漢會雙星尚相看脉脉
似隔盈盈醉玉添春夢雲同夜惜卿卿 離觴草
草同傾記靈犀舊曲曉枕餘醒海外九州郵亭一
別此生未卜他生江上數峰青悵斷雲殘雨不見
高城二月遼陽芳草千里路傍情

卜筮子

譜本
白詩

明月在青天借問今時幾但見宵從海上来不覺

雲間墜 流水古今人共看皆如此唯願當歌對
酒時長照金尊裏

鷓鴣天

金絡閑穿御路楊青旗遙認醉中鄉可人自有迎
門笑下馬何妨索酒嘗 春正好日初長一尊容
我駐風光歸來想像行雲處薄雨霏霏洒面涼

又

十頃平波溢岸清草香沙暖水雲晴輕衫短帽垂

揚裏楚潤相看別有情
揮彩筆倒銀餅花枝照
眼句還成老來漸減金釵興
回施春光與後生

集句

鳳樓梧

霜樹重重青嶂小
高棟飛雲正在霜林杪
九日黃花才過了一尊聊慰秋容老
翠色有無着淡掃
身在西山却愛東山好
流水極天橫晚照
酒闌望斷西河道

鄧干江

臨洮人

望海潮

上隴州守

雲雷天塹金湯地險名藩自古臯蘭營屯繡錯山
形米聚喉襟百二秦關塵戰血猶殷見陣雲冷落
時有鷗盤靜塞樓頭曉月依舊玉弓彎
看看定遠西還有元戎聞令上將齋壇區脫晝空兜零夕
舉甘泉又報平安吹笛虎牙閑且宴陪珠履歌按
雲鬟未拓興靈醉菟長繞賀蘭山

任南麓詢

永遇樂

月已中秋菊還重九夜久涼重滿地清霜半天白
曉孤唱聞畊壠蕭蕭窗几依然琴硯但覺鼠窺風
動悔生平趨前猛甚晚退却成無勇興衰更換
妍媸滄混造物大相愚弄二鬢羞人五交賈鬻
伯寧無種而今此念消除都盡惟有故山歸夢吾
廬更雙溪清遠萬峰翠擁

馮臨海子翼

江城子

蘸脂坡上月如鉤問青樓覓溫柔庭院深沉窗戶
掩清秋月下香雲嬌隋砌花氣重酒光浮清歌
皓齒艷明眸錦纏頭若爲酬門外三更燈影立驂
騮結習未忘吾老矣煩惱夢赴東流

李承旨晏

婆羅門引

保德西樓作

汗融畏日豈知高處有風清倚闌襟袖涼生坐上

看崩雲脫壞不礙亂峯青待目窮千里却怕傷情
 河汾古城聽裂岬怒濤驚好是烽沉幽障鼓卧
 邊亭西樓老子更無用胸中十萬兵酒到處莫放
 杯停

虞美人

佳人酒暈紅生頰灑灑霞千疊雨餘紅淚濕黃昏
 誤認當年人面倚朱門 飄零又送青春莫悵望
 劉郎去教人不恨五更風只恨馬蹄無處避殘紅

鷓鴣天

苒苒萋萋雨後邨芳塵不到五侯門曾隨曉淚揅
 詩思又向春風入燒痕 春去後憶王孫啼紅南
 浦記芳溫夕陽樓外連天遠乞與騷人怨楚魂

菩薩蠻

詞回文

斷腸人去春將半歸客倦花飛小窗寒夢曉誰與
 画愁眉

劉龍山仲尹

鷓鴣天

滿樹西風鎖建章
官黃未裹貢前霜
誰能載酒陪
花使終日尋香
過苑墻
脩月客弄雲娘
三吳清
興入淋浪
草堂人病風流減
自洗銅餅煮蜜嘗

又

騎鶴峰前第一人
不應着意怨王孫
當年艷態題
詩處好在香痕
與淚痕
調鴈柱引蛾顰
綠窗絃
索合箏纂砌臺
歌舞陽春後
明月朱扉幾斷菟

又

樓宇沉沉翠幾重
轆轤亭下落梧桐
川光帶晚虹
垂雨樹影涵秋鵲
喚風人
不見思何窮
斷腸今
古夕陽中
碧雲猶作山頭恨
一片西飛一片東

又

璧月池南剪木栖
六朝宮袖窄中宜
新聲感巧蛾
顰黛纖拍移纂
鴈着絲
朱戶小
画簾低
細香輕
夢隔涪溪
西風只道悲秋瘦
却是西風未得知

南歌子

榴破猩汎血
萱開鳳尾黃
舊閑風簾雪肌涼
一枕濃香
竟夢到巫陽
雲紵描瑤草
蓮腮洗玉漿
碧梧深院小藤床
此意一江春水正難量

攤破浣溪沙

蠶欲眠時日已曛
柔柔桑葉大綠團
雲羅敷猶小陌
上看行人翠實低
條梅弄色輕
花吹攏麥初勻
鳴鳩聲裏過盡太平村

浣溪沙

貼體宮羅試袂衣
水藍嬌淺染東池
春風一把瘦腰支
戲鏤寶鈿呈翡翠
笑拈金剪下酴醾
最宜京兆画新眉

又

萬疊春山一寸心
章臺西去柳陰陰
藍橋特爲好花尋
別後魚封煙漲濶
夢迴鸞翼海雲深
情知頓着有如今

又

繡館人人倦踏青粉垣深處簸錢聲賣花門外綠
陰輕 簾幙風柔飛燕燕池塘花暖語鶯鶯有誰
知道一春情

又

摩腹椎腰春事非樂天猶恨小樊婦多生餘念向
來癡 往事半隨殘夢轉飛詞不盡短封題竹奴
應笑減腰圍

謁金門

簾半窳四座綠圍紅簇歌盡玉臺連夜燭懽綠仍
恨促 休唱蓮舟新曲煙水画船搖綠腸斷鴛鴦
三十六紫蒲相對浴

劉記室迎

烏夜啼

菱鑑玉篔秋月蕙爐銀葉朝雲宿醒人困屏山夢
煙樹小江村 翠甲未消蘭恨粉香不斷梅蕊離

愁分付殘春雨花外泣黃昏

又

離恨遠紫楊柳夢竟長遠梨花青衫記得章臺月
歸路玉鞭斜 翠鏡啼痕印袖紅墻醉墨籠紗相
逢不盡平生事春思入琵琶

承旨党公

青玉案

紅莎綠筠春風餅趁梅驛來雲嶺紫桂岩空瓊竇

冷佳人却恨等閑分破縹緲雙鸞影 一甌月露
心寬醒更送清歌助清興痛飲休辭今夕永與君
洗盡滿襟煩暑別作高寒境

感皇恩 賦疊 羅花

碧玉撚條藍袍裁葉明艷黃深軟金疊道衰仙子
謫墮藥珠仙關為春閑管領花時節 漢額粧穠
楚腰舞怯襞積裙餘舊宮褶東君着意畱伴小庭
風月任教鷓鴣喚群芳歇

鷓鴣天

雲步凌波小鳳鈎年年星漢踏清秋只緣巧極稀
相見底用人間乞巧樓天外事兩悠悠不應此
作可憐愁開簾放入窺窗月且盡新涼睡美休

感皇恩

一葉下梧桐新涼風露喜鵲橋成渺雲步舊家機
杼巧織紫綃如霧新愁還織就無重數天上何
年人間朝暮回首星津又空渡盈別淚散作半

空疎雨離魂都付與秋將去

月上海棠

用前人韻

傲霜枝裊團珠蕾冷香霏烟雨晚秋意蕭散繞東
籬尚彷彿見山清氣西風外夢到斜川栗里 斲
霞魚尾明秋水帶三兩飛鴻點烟際疎林颯秋聲
似知人倦游無味家何處落日西山紫翠

黃華玉先生庭筠

大江東去

癸巳暮冬小雪家集作

山堂晚色滿疎籬寒雀煙橫高樹小雪輕盈如解
舞故故穿簾入戶掃地燒香圍樂一笑不道回風
絮冰漸生研問誰先得佳句 有夢不到長安此
心安穩只有歸畊去試問雪溪無恙否十里淇園
佳處脩竹林邊寒梅樹底准擬全家住柴門新月
小橋誰掃掃路

謁金門

雙喜鵲幾報歸期渾錯儘做舊愁都忘却新愁何

處着 瘦雪一痕墻角青子已粧殘
不道枝頭無可落東風猶作惡

鳳棲梧

衰柳疎疎苔滿地十二闌干故國三千里南去北
來人老矣短亭依舊殘陽裏 紫蟹黃柑真解事
似倩西風勸我歸歟未王粲登臨寥落際鴈飛不
斷天連水

菩薩蠻

迴文

斷腸人恨餘香換塵暗鎖窗春小花簷月曉屏掩
半山青

又

客愁楓葉秋江隔行遠望高城故人新恨苦斜日
晚啼鴉

又

白雲孤暎遙山碧樓倚一天秋斷腸隨鴈斷來馬
與書回

清平樂 賦杏

今年春早到處花開了只有此枝春恰到底輕
顰淺笑 風流全似梅花承當疎影橫斜夢想溪
南溪北竹籬茅舍人家

烏夜啼

淡煙疎雨新秋不禁愁記得青帘江上酒家樓
人不住花無語水空流只有一雙檣燕肯相留

訴衷情

夜涼清露滴梧桐庭樹又西風薰籠舊香猶在曉
 帳暖芙蓉雲淡薄月朦朧小簾櫳江湖殘夢半
 在南樓画角聲中

清平樂 應制

瓊枝瑤月簾捲黃金闌宮鬢蛾兒雙翠葉點綴離
 南閣雪東風扇影低還紅雲不隔天顏夜夜華
 燈萬樹年年碧海三山

水調歌頭

秋風秃林葉却與鬢生華十年長短亭裏落日冷
 邊笳飛鴈白雲千里况走登山臨水無賴客思家
 獨鶴歸何晚已後滿林鴉望蓬山雲海闊浩無
 涯安期玉鳥何處袖有棗如瓜一笑那知許事且
 看尊前故態耳熱眼生花肝肺出芒角漱墨作枯
 槎

謁金門 賦王

秋蕭索燈火新涼簾幕翠被不禁臨曉薄南樓聞

中州集序
二十三
畫角 想見玉壺冰草一夜西風開却夢覺烏啼
殘月落幽香無處着

王隱君礪

浣溪沙

夢中作

林樾人家急暮砧夕陽人影入江深倚闌踈快北
風襟 雨自北山明處黑雲從白鳥去邊陰幾多
秋思亂鄉心

密國公璫

朝中措

襄陽古道灞陵橋詩興與秋高千古風流人物一
時多少雄豪 霜清玉塞雲飛隴首楓落江皋
到鳳皇臺上山圍故國週遭

春草碧

幾番風雨西城陌不見海棠紅梨花白底事勝賞
忽忽政自天付酒腸窄更笑老東君人間客 賴
有玉管新翻羅襟醉墨望中倚闌人如曾識舊夢

回首何堪故苑春光又陳迹落盡後庭花春草碧
青玉案

凍雲封却絕岡路有誰訪溪梅去夢裏疎香風似
度覺來唯見一窗涼月瘦影無尋處 明朝画筆
江天算定向漁蓑得奇句試問簾前深幾許兒童
笑道黃昏時候猶是蕙纖雨

秦樓月

寒仍暑春來秋去無今古無今古梁臺風月作堤

烟雨 水涵天影秋如許夕陽低處征帆舉征帆
舉一行驚鴈數聲柔櫓

沁園春

壯歲耽書黃卷青燈番連寸陰到中年贏得清貧
更甚蒼顏明鏡白髮輕簪衲被蒙頭草鞋着脚風
雨蕭蕭秋意深淒涼舌餅中匱粟指下忘琴一
篇梁父高吟看峇變陵遷古又今便離騷經了靈
光賦就行歌白雪愈少知音試問先生如何即是

布袖長垂不上襟
掀髯笑一杯有味萬事無心

西江月

一百八般佛事二十四考中書山林朝市等區區
着甚來由自苦
過寺談些般若
逢花倒箇葫蘆
少時伶俐老來愚
萬事安於所遇

臨江仙

倦客更遭塵事冗
故尋閑地婆娑
一尊芳酒一聲歌
盧郎心未老
階前鬢先皤
醉向繁臺臺上閣

滿川細柳新荷薰
風樓閣夕陽多
倚闌凝思久漁

笛起烟波

禮部閑閑趙公秉文

水調歌頭

昔擬相仙人王雲鶴贈予詩云寄與閑閑傲浪仙
枉隨詩酒隋凡緣

黃塵遮斷來時路
不到蓬山五百年
其後玉龜山人云
予前身赤城子也
予因以詩記之云
玉龜山下古仙真
許我天台一化身
擬折玉蓮騎白鶴
他年滄海看揚塵
吾友趙禮部庭玉說
丹陽子謂予再世蘇子美也
赤城子則吾豈敢若子美
則庶幾焉尚媿辭翰微不及耳
因作此以寄意焉

少樂府 二十六
四明有狂客呼我謫仙人俗緣千劫不盡回首落
紅塵我欲騎鯨歸去只恐神仙官府嫌我醉時嗔
笑拍群仙手幾度夢中身 倚長松聊拂石坐看
雲忽然黑霓落手醉舞紫毫春寄語滄浪流水曾
識閑閑居士好爲濯冠巾却返天台去華髮散麒麟

青杏兒

風雨替花愁風雨罷花也應休勸君莫惜花前醉

今年花謝明年花謝白了人頭 乘興兩三甌揀
溪山好處追遊但教有酒身無事有花也好無花
也好選甚春秋

梅花引 過天門
關作

山如峽天如席石顛樹老冰崖坼雪霏霏水涸涸
先生此道胡爲乎來哉 石頭路滑馬蹄蹶昂頭
貪看山奇絕短童隨蹶雙眉休說清寒形容想更
飢

又

□□□□□□□□□□□□□□□□□□□□□□

□□□□□□□□□□□□□□□□□□□□□□

□□□□□□□□□□□□□□□□□□□□□□

關

大江東去

秋光一片問蒼蒼桂影其中何物一葉扁舟波萬頃四顧粘天無壁叩柁長歌嫦娥欲下萬里揮水

雪京塵千丈可能容此人傑 回首赤壁磯邊騎

鯨人去幾度山花發澹澹長空今古夢只有歸鴻

明滅我欲從公乘風歸去散此麒麟髮三山安在

玉簫吹斷明月

缺月挂疎桐 擬東坡作

烏鵲不多驚貼貼風枝靜珠貝橫空冷不收半濕

秋河影 缺月墮幽窗推枕驚深省落葉蕭蕭聽

雨聲簾外霜華冷

秦樓月

簫聲苦簫聲吹斷夷山雨夷山雨人空不見吹臺
歌舞危樓目極傷平楚斷霞落日懷千古懷千
古一杯還酌信陵墳土

得革公鼎

阮郎歸

寄李都
運有之

人情冷暖共高低疎慵非所宜老夫碌碌本無機
閑教造物疑形木槁鬢絲垂山林先有期故人

只道挂冠遲此心應不知

許司諫古

行香子

秋入鳴皋爽氣飄蕭挂衣冠初脫塵勞窗間巖岫
看盡昏朝夜山低晴山近曉山高細數閑來幾
處村醪醉模糊信手揮毫等閑陶寫問甚風騷樂
因循能潦倒也消搖

眼兒嬌

濁醪斲得玉為漿
風韻帶橙香
持盃笑道鶯黃似
酒酒似鶯黃
世緣老矣不思量
沈醉又何妨
臨風對月山歌野
調儘我疎狂

馮內翰延登

玉樓春

宴河中
瑞雲亭

長原迤邐孤麋卧
野色微茫河界破
草承行履綠
雲深花觸飛丸紅
雨安高亭初試煎
茶火醉玉
漸譁春滿座
行盃莫厭轉籌頻
佳節等閑飛鳥過

溪南詩老辛愿

臨江仙

河山亭
晉別
欽叔裕之

誰識虎頭峯下客
少年有意功名清
朝無路到公卿
卿蕭蕭華屋白髮老
諸生邂逅對床逢
二妙揮毫落紙堪驚
他年聯袂上蓬瀛
春風蓮燭莫忘此
時情

李右司獻能

春草碧

紫簫吹破黃州月
款款小梅花
飄香雪
窈莫花底
風鬟顏色如花
命如葉
千里皖兵塵
凌波襪
事鑑影鸞孤
箏絃
鴈絕
舊時雪堂人
今華髮
斷腸
金縷新聲
杯深不覺
琉璃滑
醉夢遶南雲
花上蝶

江城梅花引

為飛伯賦青梅

漢宮嬌額
倦塗黃
試新粧
立昭陽
萼綠仙
姿高髻
碧羅裳
翠袖卷
紗開
倚竹暝
雲合瓊枝
薦暮涼
璧月浮香
搖玉浪
拂春簾
螢綺窗
冰肌夜冷
滑無

粟影轉斜廊
冉冉孤鴻
烟水渺渺
三湘青鳥
不來
天也老
斷菟
夢清霜
靜楚江

浣溪沙

河中環勝樓感懷

垂柳陰陰
水拍堤
欲窮遠
目望還迷
平蕪盡處
暮天低
萬里中原
猶北顧
十年長路
却西歸
倚樓懷抱
有誰知

王右司渥

水龍吟

從商帥園器獵同裕之賦

短衣匹馬清秋慣曾射虎南山下西風白水石鯨
鱗甲山川圖畫千古神州一時勝事賓僚儒雅快
長堤萬弩平岡千騎波濤卷魚龍夜 落日孤城
鼓角笑歸來長圍初罷風雲慘澹曉貅得意旌旗
閑暇萬里天河更須一洗中原兵馬看鞬索嚙啣
咸陽道左拜西還駕

李扶風節

滿江紅

紙帳溫春睡穩窗槐搖綠吾老矣不堪重着翠圍
紅簇千古清風荆布在一家樂事糟糠足笑杜陵
憔悴漫多情須燕玉 求凰意傳新曲驂鸞夢從
渠續問臨邛何賤會稽何辱畎畝豈無天下士芥
斤不到山中木但莫教風雨兩兩雛鳩危枝宿

景覃

鳳棲梧

倦客情悰紛似縷小院無人卧聽秋蟲語歸意已

後新鴈去晚涼更作瀟瀟雨
架上秋衣蠅點素
冷菊戎裘尚被春花妬
別有溪山容杖屨
等閑不許知人處

天香

市遠人稀林深火吠山連水村幽寂田里安閑東
隣西舍准擬醉時歡適社祈雩禱有簫鼓喧天吹
擊帘雨新晴壠頭閑看露桑風麥無端晴亭暮
驛恨連年此時行役何似臨流蕭散緩衣輕幘炊

黍烹雞自勞有脆綠甘紅薦芳液夢裡春泉糟床
夜滴

又

百歲中分流年過半塵勞繫人無盡桑柘周圍營
茅低架且喜水親山近倦飛高鳥算也有閑枝棲
穩紙帳紬衾日高睡起懶梳蓬鬢閑堦上花碧
潤緩去屨恐傷蝸蚓倒掩衡門空解草玄誰信俗
駕輕雲易散賴獨有蓬峰破孤悶世事悠悠後教

莫問

宗室文卿

西江月

題邯鄲王仁
呂仙翁祠堂

壁斷何人舊字爐寒隔歲殘香洞天人去海茫茫
玩世仙翁已往西日長安道遠春風趙國臺荒
行人誰不悟黃糧依舊紅塵陌上

高博州憲

梅花引

蒿火目藜羹腹書生寧有封侯骨長鬚奴下澤車
艱關險阻誰教涉畏途半生落莫長安道一事
無成雙鬢老南轅吳北轅胡功名富貴情知不可
圖

又

槐安夢鼓笛弄馳驟百年塵一闕陶淵明張季鷹
一杯濁酒焉知身後名有溪可漁林可繳須信
在家貧也樂熊門春沮江雲幾時作箇山間林下

又

城下路淒風露今人犁田昔人墓岸頭沙帶蒹葭
漫漫昔時流水今人家 黃埃赤日長安道倦客
無漿馬無草開函關閉函關千古如何不見一人

閑

又

六國擾三秦埽初謂商山遺四老馳單車致緘書

裂荷焚芟接武曳長裾 高陽真得杯中趣身到
醉鄉安穩處生忘形死忘名二豪侍側劉伶初未

醒

王先生予可

小重山

予可自解醜
霜脂粉也

寶榭簾鈎捲月窗縷衣金樣褪沉餘香卿卿榮耀
寵恩光三竿日顰翠楚山長 螺髻憂浮觴鳳奩
塵瑩恨浥醴霜賣珠樓外串離腸春殘夢今夜擬

高唐

生查子

夜色明河靜好風來千里水殿謫仙人皓齒清歌
起前聲金竿中後聲銀河底一夜嶺頭雲遠遍
樓前水

長相思

風暖時雨晴時熏褶羅衣人未歸
膝蛾愁欲飛
枕瓊霞瑣窗紗簾月樓空燕子家
春風掃落花

王監使特起

梅花引

山之麓河之曲一灣秀色盤虛谷
水溶溶雨濛濛
有人行李蕭蕭落葉中
人家籬落炊煙濕天外
雲峰迷淡碧野雲昏失前村
溪橋路滑平沙段舊
痕

又

丹楓下瀟湘夜橫披省見王維画画無聲
恹經營

何如幻我清寒此道行
馬頭風急催行色疑是
山靈嫌俗客釣魚磯綠蓑衣有人坐弄滄浪猶未
歸

趙內翰攄

南歌子

澗草萋萋綠林鶯恰恰啼
汀沙過雨便無泥喚得
芒鞋隨意到前溪
浦淑渾堪画雲烟總是題
江湖老伴一蓑衣真箇斜風細雨不須歸

虞美人

同孟利
器尋春

春來日日風成陣桃李飄零盡
樹頭樹底覓殘紅
只有郭西梨雪照晴空
酬春須得如川酒酒債
尋常有葛巾歌側倩人扶
大似浣花溪上醉騎驢
孟內翰宗獻

菩薩蠻

回文

睡驚秋近鳴蟲砌
蒼鬢慘勻霜影孤
燈翳冷長歎
浩歌狂

中州樂府
張太尉信甫

三十七

汲古閣

驀山溪

山河百二自古關中好壯歲喜功名擁征鞍雕裘
繡帽時移事改萍梗落江湖聽楚語默蠻歌往事
知多少 蒼顏白髮故里欣重到老馬省曾行也
頻嘶冷烟殘照終南山色不改舊時青長安道一
回來須信一回老

王玄佐

洞仙歌

賦榛實月
山所錄

圓剛定質混物非凡類仁處其中靜忘意任蝶蜂
狂遶燕雀喧爭心君正惟取清白自治 黃衣從
澹泊此箇家風異偶合陰陽棄神智怕有人冷眼
嫌太孤高樽俎地聊許松梧同器待他日山林不
相容請援手仙苑要充仙贄

愚軒居士趙元

行香子

鏡裏流年綠變華
顛謝西山青眼依然
人生安用利瑣名
纏似燕營巢蜂課
蜜蟻爭羶詞苑群
仙場屋諸賢看文
章大筆如椽閑人
書冊且枕頭眠有
洗心經傳燈錄坐
忘篇

又

潦倒無聞坐慣家
貧眼昏花心口猶
存人皆笑我我儘
教人拚醉吟風閑
釣月困眠雲 避
逅文親語款情真
且相從莫浪辛勤
西山歸隱不用移
文

看菊成叢松結子
竹生孫

又

山擁垣墻水滿溪
塘幾人家籬落斜
陽又還夏也一霎
人忙正稻分畦蠶
卸簇麥登場 老
子徜徉閑日偏長
鬢鬢鬆只管尋涼
綠陰何處旋旋移
床有道邊槐門外
柳舍南桑

浙治中元禮

望海潮

從軍舟
中作

地雄河岳疆分韓晉潼關高墜秦頭山倚斷霞江
 吞絕壁野煙紫帶滄洲虎飾旌纓貅看陣雲截岸
 霜氣橫秋千雉嚴城五更殘角月如鉤 西風曉
 入貂裘恨儒冠悞我却羨兜鍪六郡少年三明老
 將賀蘭烽火新收天外岳連樓想斷雲橫曉誰識
 歸舟剩着黃金換酒羯鼓醉涼州

先大夫

好事近

次蔡丞相韻首倡及高子文屬和附於此

夢破打門聲有客袖攜團月喚起玉川高興煮松
 簷晴雪 蓬萊千古一清風人境兩超絕覺我胸
 中黃卷被春雲香徹

又

天上賜金奩不減燈源三月午盤春風織手看
 一一時如雪 幽人只慣茂林前松風聽清絕無
 奈十年黃卷向枯腸搜徹 蔡丞相

又

誰打玉川門白絹斜封團月晴日小窗活火響
一壺春雪 可憐桑苧一生顛文字更清絕直

擬駕風歸去把三山登徹

高子文

聲音之道與政通固矣然以三百篇攷之成
周治矣而夫子不無刪焉鄭衛亂矣而夫子
或有取焉何哉則亦以天理之在人心不可
變而人之賢不肖不可必敬聖賢之所去取
惟其人不惟其時惟其言 其人惟其意

不惟其言中州樂府作於金人吳彥高輩雖

當衰亂之極今味其辭意變而不移憫而不

困婉而不迫達而不放正而不隨蓋古詩之

餘響也是故儼山陸公有取焉亦孔子待鄭

衛之意韶承命分技畢敬識淺語以俟公之

教焉嘉靖丙申九月庚辰屬吏毛鳳韶謹書

家藏中州集十卷逸其樂府梓人生年未詳快法

既得樂府一帙乃九峰書院刻本也

三言五言詞俱甚調清雅世偏一之按譜整重正
 如望海潮注園上謔不伴未敢輕以之改其小
 叙已見詩集中不復贅云海雲之毛骨深

中州樂府

